



Број/Број: 01/4-50-1-4-59/09

Сарајево/Sarajevo, 23.12.2009. godine

Z A P I S N I K

59. sjednice Komisije za finansije i budžet Predstavničkog doma Parlamentarne skupštine BiH održane 22.12.2009. godine, od 11 do 12,20 sati.

Sjednici Komisije prisustvovali su članovi: Sadik Bahtić, Velimir Jukić, Adem Huskić, Bajazit Jašarević, Drago Kalabić i Salko Sokolović.

Sjednici nisu prisustvovali: Lazar Prodanović, Savo Erić i Zlatko Lagumdžija, članovi Komisije.

Sjednici su također prisustvovali: Vlatko Dugandžić, pomoćnik ministra za budžet, Ranko Šakota, pomoćnik ministra za trezor, Naida Čaršimamović, savjetnik za budžet institucija BiH pri Projektu jačanja upravljanja javnim finansijama u BiH, Mario Nenadić, pomoćnik ministra za ljudska prava i izbjeglice BiH, Ljiljana Milićević, savjetnik za ekonomska pitanja pri Kabinetu predsjedavajućeg Vijeća ministara BiH, Marija Buntić, ekonomski analitičar iz OHR-a, Samir Mušović, konsultant PKF/DFID, Christian Haupt, direktor, i Ivana Smiljanić, asistent za finansije i budžet pri projektu USAID PSP u BiH, te Željko Kosmajac, sekretar, i Muhameda Humačkić, stručni saradnik pri Komisiji.

Od predstavnika medija sjednici je prisustvovala Snežana Samardžija, novinar novinske agencije „Srna“.

Za sjednicu je predložen sljedeći

DNEVNI RED

1. Razmatranje Prijedloga zakona o Budžetu institucija BiH i međunarodnih obaveza BiH za 2010. - prva komisijska faza (predlagač: Predsjedništvo BiH);
2. Tekuća pitanja.

Predloženi dnevni red jednoglasno je usvojen.

Ad.1. Razmatranje Prijedloga zakona o Budžetu institucija BiH i međunarodnih obaveza BiH za 2010. godinu, prva komisijska faza (predlagač: Predsjedništvo BiH)

U uvodnim napomenama predsjedavajući Komisije podsjetio je da Predstavnički dom, na 66. sjednici, održanoj 16.12.2009., nije usvojio Prijedlog zakona o Budžetu institucija BiH i međunarodnih obaveza BiH za 2010. godinu u prvom čitanju.

Novi prijedlog zakona Parlamentarnoj skupštini BiH dostavljen je 21.12.2009., koji Komisija razmatra u skladu s čl. 104. i 128. Poslovnika Doma.

Kako sjednici nije prisustvovao predstavnik predlagača, kratko obrazloženje novog prijedloga zakona dao je Vlatko Dugandžić, pomoćnik ministra za budžet iz Ministarstva finansija i trezora BiH.

Zatim je predsjedavajući Komisije otvorio raspravu o principima Prijedloga zakona i neophodnosti njegovog donošenja.

U raspravi su učestvovali: poslanici Sadik Bahtić, Bajazit Jašarević, Velimir Jukić, Adem Huskić, Drago Kalabić i Salko Sokolović, te Vlatko Dugandžić, pomoćnik ministra za budžet, Ranko Šakota, pomoćnik ministra za trezor iz Ministarstva finansija i trezora BiH, Samir Mušović, konsultant PKF/DFID, i Mario Nenadić, pomoćnik ministra za ljudska prava i izbjeglice BiH.

Nakon provedene opće rasprave, Komisija je jednoglasno:

1. prihvatila principe Prijedloga zakona;
2. ponuđeni tekst Prijedloga zakona uputila u daljnju zakonodavnu proceduru.

Komisija je jednoglasno usvojila sljedeća **tri zaključka**:

1. Predstavnički dom zadužuje 14 doljenavedenih institucija BiH da osiguraju uštede u skladu sa zaključkom Predstavničkog doma, usvojenog na 64. sjednici, održanoj 24. novembra, 2. i 7. decembra 2009., a Vijeće ministara BiH i Ministarstvo finansija i trezora BiH da, nakon usvajanja Budžeta za 2010. godinu u okviru instrukcija za praćenje izvršenja Budžeta za 2010. godinu, osigura operativnu realizaciju istog zaključka, a koji glasi:
1. Predstavnički dom traži od Vijeća ministara BiH da, saglasno odredbama člana 16. stav (4) Zakona o reviziji institucija BiH, svakoj od sljedećih 14 institucija (institucije koje su za 2008. imale više od jedne revizorske kvalifikacije), u budžetskoj 2010. godini umanjí budžet, tačnije da umanjí za 10% svaku od sljedećih stavki: «troškovi reprezentacije», «troškovi goriva i maziva», uključujući nabavku novih vozila, korištenih vozila ili zamjenu vozila, te nabavku dodatne opreme za vozila, u kojima je revizija za 2008. godinu utvrdila propust, kako slijedi:
 - 1.1. *Ministarstvu odbrane BiH u stavkama: „troškovi reprezentacije“, „troškovi goriva“ i „nabavka novih vozila“;*
 - 1.2. *Upravi BiH za zaštitu zdravlja bilja u stavkama: „troškovi goriva“, „troškovi reprezentacije“ i „nabavka novih vozila“;*
 - 1.3. *Agenciji za sigurnost hrane BiH u stavci „troškovi reprezentacije“;*
 - 1.4. *Agenciji za unapređenje stranih investicija u BiH u stavkama: „troškovi goriva“, „troškovi reprezentacije“ i „nabavka novih vozila“;*
 - 1.5. *Direkciji za civilno zrakoplovstvo BiH u stavkama: „nabavka novih vozila“ i „nabavka dodatne opreme za vozila“;*
 - 1.6. *Komisiji za koncesije BiH u stavkama; „troškovi reprezentacije“ i „troškovi goriva“;*
 - 1.7. *Ministarstvu finansija i trezora BiH u stavkama: „troškovi reprezentacije“, „troškovi goriva“ i „nabavka dodatne opreme za vozila“;*
 - 1.8. *Ministarstvu sigurnosti BiH u stavci „troškovi goriva i maziva“;*
 - 1.9. *Ministarstvu vanjskih poslova BiH u stavci „troškovi reprezentacije“;*
 - 1.10. *Ministarstvu za ljudska prava i izbjeglice BiH u stavkama: „troškovi reprezentacije“, „troškovi goriva“ i „nabavka novih vozila“;*

- 1.11. *Instituciji ombudsmena za ljudska prava BiH u stavkama: „troškovi goriva“ i „troškovi reprezentacije“*
- 1.12. *Službi za poslove sa strancima BiH u stavci „troškovi goriva i maziva“;*
- 1.13. *Uredu za veterinarstvo BiH u stavkama: „troškovi goriva i maziva“, „nabavka novih vozila“ i „troškovi reprezentacije“;*
- 1.14. *Državnoj agenciji za istrage i zaštitu u stavkama: „troškovi reprezentacije“ i „troškovi goriva“.*

Također, Predstavnički dom zadužuje Ured za reviziju institucija BiH da prilikom obavljanja revizije finansijskog poslovanja institucija BiH za 2009. godinu izvrši kontrolu realizacije ovog zaključka, te o tome izvijesti Predstavnički dom.

2. Predstavnički dom zadužuje Vijeće ministara BiH da, po usvajanju Budžeta za 2010. godinu, pokrene aktivnosti na smanjenju troškova zakupa institucija BiH pokretanjem procedure za osiguranje smještaja institucija BiH, odnosno nabavku odgovarajućeg prostora, te da Predstavnički dom kvartalno izvještava o rezultatima navedene aktivnosti.
3. Predstavnički dom zadužuje Komisiju za izbjeglice i raseljena lica BiH da mu kvartalno tokom 2010. godine podnosi izvještaje o realizaciji trošenja sredstava namijenjenih za povratak izbjeglica i raseljenih lica u BiH.

Ad.2. Tekuća pitanja

U okviru ove tačke dnevnog reda nije bilo rasprave.

Sekretar Komisije
Željko Kosmajac

Predsjedavajući Komisije
mr. ecc.sc. Sadik Bahtić